

SCRIPT OF EVENING GOJRI NEWS BULLETIN 3APRIL 2025

1700HRS

اوننگ گوجری نیوز بولٹین 3 اپریل 2025

یوہ آکاشوانی جموں بے عبدالرحمان تے نصرت تیں خبر سُنو۔

HEADLINES

- ۱۔ وزیر اعظم نریندر مودی اج بینکاک، تھائی لینڈ پُجیا ہیں جت ۶ ویں بیمسٹیک سربراہ کانفرنس مانہہ شرکت کریںگا۔
- ۲۔ حکومت غی طرفوں وقف ترمیمی بل راجیہ سبہ مانہہ پیش کیو گیو ہے تے حزب اختلاف نانہہ وی اس غی منظوری بارے حمایت کرن بارے کہیو ہے۔
- ۳۔ لیفٹیننٹ گورنر منوج سنہا نے شری امرناتھ جی شرانینبورڈ تے دیگر ایجنسیاں غا اعلیٰ افسراں غے نال ایک میٹنگ کی تے افات نال نمژن غا انتظامات تے یاتریاں نواس کمپلیکس غی پیش رفت غو جائیزو لیو۔
- ۴۔ وزیر جنگلات تے ماحولیات جاوید احمد رانائے ایک پیڈ ماں غے ناں مہم غے تحت محکمہ جنگلات غا کاشت کاراں نانہہ سہرايو۔
- ۵۔ محکمہ موسمیات نے آئندہ ہفتہ جموں کشمیر مانہہ بارش تے برف باری غی پیش گوئی کی ہے۔

PM THILAND VISIT

وزیر اعظم نریندر مودی اج بینکاک تھائی لینڈ پُجیا ہیں تانجے چھیویں بیمٹیک کانفرنس مانہہ شرکت کریں انہاں نانہہ ہوائی اڈہ ور تھائی لینڈ غا نائب وزیر اعظم تے وزیر ٹرانسپورٹ جنرلنگرینگیت تے کوش آمدید کیو وزیر اعظم غی طرفوں تھائی لینڈ غو یوہ تیجو دورو ہے اس تیں پہلاں وے ۹۱۰۲ تے ۶۱۰۲ مانہہ وی جاچکا ہیں اُت پُجن تیں بعد وزیر اعظم نریندر مودی نے ایک سماجی زرائع ابلاغ پوسٹ مانہہ شرکت غا منتظر ہیں تے بھارت اور تھائی لینڈ غے بشکار تعاون غا تعلقات نانہہ مزید مضبوط بنان غو ارادو رکھیں اپنا دور روزہ سرکاری دورہ غے دوران وزیر اعظم نریندر مودی اج شام بینکاک مانہہ اپنا تھائی لینڈ غا ہم منصب پائیو تگیارن شینا واترہ سنگ دوطرفہ مذاکرات کریںگا وے دوطرفہ تعلقات غا سارہ پہلوں غی پیش رفت غو جائز و لین گا تے بکھ بکھ دوطرفہ معاہداں ور دستخطاں غو مشاہدو وی کریںگا۔

RS WAQF

راجیہ سبہا نے وقف ترمیمی بل ۵۲۰۲ غو رخصت تے منظوری واسطے پیش کردتو ہے وقف بل ۵۲۰۲ غو مقصد وقف جائیداداں غا انتظام نانہہ بہتر بنائو ہے جس مانہہ تاریخی مقامات غا تحفظ تے سماجی فلاح و بہبود غا فروغ واسطے خصوصی رقومات شامل ہیں یاہ قانون سازی وقف جائیداداں مانہہ شفافیت املاک غا انتظام مانہہ بہتری وقف بورڈ تے مقامی عہدے داراں غیشکار روابطہ نانہہ مضبوط بنان تے متعلقہ فریقین غا حقوق کا تھفط واسطے وی اقدامات کرے گی اس غے علاوہ یوہ بل مسلم خواتین خاص طور ور بیوہ تے طلاق یافتہ خواتینکا معاشی تے سماجی حالات نانہہ بہتر بنان واسطے وی تیار کی وگیو ہے بل نانہہ پیش کرتا واں اقلیتی امور کا وزیر کرن ریجی جو نے کہیو ہے اس بل نانہہ تمام متعلقہ فریقین تیں

تفصیلی مشاورت سے بعد سے سانجھی پارلیمانی کمیٹی مانہ غور وخصوص غے بعد پیش کیو گیو بے اُنہاں نے حزب اختلاف غی جماعتاں تیں اس بل غی حمایت کرن غی اپیل کی واضح رہ جے لوک سبھا غی طرفوں پہلا ہی گزری رات نانہ یوہ بل منظور کیو جاچکو ہے۔ اس موقع ور بولتا وان اقلیتی معاملات غا وزیر کرن ریجی جو نے اس طرح کہیو۔

LG SASB MEETING

لیفٹیننٹ گورنر منوج سنہا نے شری امرناتھ جی شرانینبورڈ سے دیگر ایجنسیاں غا اعلیٰ افسراں غے نال ایک میٹنگ کی سے افات نال نمٹن غا انتظامات سے یاتریاں نواس کمپلیکس غی پیش رفت غو جائیزو لیو۔ گورنر نے بالٹال نونوان سدھڑا سے بجبہارا مانہ جاری ترقیاتی کماں غی پیش رفت غا بارا مانہ معلومات حاصل کی اُنہاں نے افسراں سے متعلقہ ایجنسیاں نانہ ہدایت کی کہ مختلف مقامات ور جاری کماں نانہ تیزی تیں مکمل کیو جے تانجے یاتریاں واسطے سہولیات نانہ مزید بہتر بنایو جاسکے۔ خاص طور ور بالٹال سے نون وان بیس کیمپ مانہ بنیادی ڈھانچہ غا اہم منصوبہ یاترا شروع ہون تیں پہلاں مکمل کرن غی ہدایت کی۔ اس میٹنگ مانہ شری امرناتھ جی شرانین بورڈ غا چیف ایگزیکٹیو آفیسر اعلیٰ افسراں سے مختلف ایجنسیاں گا نمائندہ شامل تھا۔

NC MEETING

جموں کشمیر نیشنل کانفرنس پارٹی سے اتھاد مانہ شامل جماعتاں غیاک میٹنگ پلک سویرے ۱۱ بجے وزیر اعلیٰ عمر عبداللہ غی صدارت مانہ وے غی۔ یوہ اجلاس نائب وزیر اعلیٰ غی سرکاری رہائش گاہ گپکار سرینگر مانہ منعقد وے غو۔ نیشنل کانفرنس غا اعلیٰ رہنما سے چیف ویپ مبارک گل غی جانب تیں جاری کردہ سرکاری اعلان غے مطابق پارٹی گا تمام ارکان تیں اسمبلی غی میٹنگ مانہ شرکت کرن غی درخواست کی گئی ہے کیونجے یاہ ایک اہم اجلاس ہے تاہم میٹنگ غا ایجنڈاں غا بارا مانہ کوئی تفصیل نی دتی گئی ہے۔

RIMC CADETS

تعلیمی دورہ غا حصہ غے طور ور راشٹریہ انڈین میلیٹری کالج ڈیری دُن غ ۹۲۱ کیڈیٹ جموں پُجیا کیڈیٹس نے ہتھیاراں سے سازو سامان غینمائش دیکھی سے نال ہی ٹائیگر ڈویژن گا جی او سی تیں ملاقات کی۔

RANA EK PED

جموں کشمیر نے ایک پیڈ ماں غے ناں مہم تحت ۱ لکھ ۰۵ ہزار پودا لاغے ایک ہدف کامیابی تیں حاصل کیو ہے۔ وزیر جنگلات سے ماحولیات جاوید احمد رانا نے اس کامیابی غو شر حکومت مقامی اداراں سے عوام غی مشترکہ کوششاں نانہ دتو اُنہاں نے محکمہ جنگلات غا کاشت کاراں نانہ سہرايو سے کہیو درخت لان تیں ماحول غو تحفظ تیں شکر کاری غی اہمیت نانہ اُجاگر کرے۔ ایک پیڈ ماں غے ناں مہم ملک بھر مانہ شروع کی گئی تھی تانجے لوک اپنی ماں غی محبت سے عزت مانہ درخت لاویں سے ماحول کی حفاظت غو عہد کریں۔

UDH TB FREE

وزیراعظم غا ٹی بی مُکت بھارت مہم غے تحت ادھمپور ضلع غا ۷۶ پنچائیتاں نانہ ٹی بی یعنی تپ دق تیں پاک قرار دتو گیو ہے۔ ڈپٹی کمشنر ادھمپور سلونی رائے نے دسیو کہ ۴۲۰۲

مانہہ ۳۲ پنچائیتاں نانہہ ٹی بی تیں پاک قرار دتو گیو تھو تے اس سال مزید ۴۴ پنچائیتاں نے
یاہ کامیابی حاصل کی ہے جس تیں بعد کُل تعداد ۷۶ ہوگئی ہے۔

UDH ARTIFICIAL LIMBS

ضلع ادھمپور غا محکمہ سماجی بہبود نے بھارتی مصنوعی اعضا بنان آلی کارپوریشن غا
اشتراک تیں معزور افراد واسطے جانچ کیمپ منعقد کرن غو اعلان کیو۔ یوہ کیمپ ۵ اپریل تیں
۰۱ اپریل ۵۲۰۲ توڑی مختلف مقامات جسران کہ رامنگر مجالتا لاٹی نارسو ادھمپور مانہہ
لگایا جیں غا ضلع سماجی بہبود آفیسر کنیکا گپتا نے اس پروگرام غا بارا مانہہ مزید تفصیلات
فراہم کرتا وائ اس طرح کہیو۔

DODA VOLLEY BALL

بھارتی فوج نے سٹی سکول میڈل سکول ڈوڈھ منہہ ایک دوستانہ والی بال مقابلہ گو انعقاد کیو
جس غ و مقصد کھیڈاں نانہہ فروغ دینو نوجوانان نانہہ مثبت سرگرمی مانہہ شامل کرنو تے
منشیات کا نقصانات گابارا مانہہ آگاہی پھیلاؤ تھو۔ مقابلہ غو آگاز ایک دلچسپ میچ تیں ہوو
جس مانہہ ۰۱ راشٹریہ ریفیل تے گورنمنٹ ڈگری کالج ڈوڈھ غی ٹیمان غے بشکار مقابلو ہوو۔
طلبہ کھیڈاں گا شوقین تے مقامی لوک بری تعداد مانہہ موجود تھا، جنہاں نے ٹیمان غی
حوصلہ افزائی کی۔ ڈاکٹر جسونت سنگھ جھیڑا کہ جی ڈی سی دوڈھ مانہہ فیزیکل ایجوکیشن
ڈائریکٹر ہیں انہاں نے اس قدم غ تعریف کی تے اس طرح کہیو۔ یے مقابلان مزید جاری ریں
گا۔ جس مانہہ مقامی کھیڈاریاں نانہہ اپنی صلاحیت دکھان گو معوقو لبے غو والی بہال غا
کھیڈاری ارون جیت نے اس طرح کہیو۔

WEATHER

محکمہ موسمیات نے آئیندہ ہفتہ جموں کشمیر مانہہ بارش تے برف باری غی پیش گوئی کی
ہے۔ آکاشوائی جموں غا نمائندہ غی رپوٹ غے مطابق اج شمالی کشمیر تے سونامرگ زوجیلا
غا بلند مقامات ور ہلکی بارش تے برف باری غا امکان تھا جدکہ ۴ تیں ۷ اپریل غے بشکار
موسم عمومی طور ور خشک رہن غی توقع ہے ۸ اپریل نانہہ دوہیر تیں بعد شمالی کشمیر تے
سونامرگ غا بلند مقامات ور برف باری غا امکان ہیں۔ ۹ اپریل تے ۰۱ اپریل نانہہ کشمیر غا
کئی علاقان تے جموں گا کُجھ مقامات ور بارش تے برف باری غی توقع ہے۔ تے ۱۱ اپریل
نانہہ موسم ابرآلود رہ غو، بلند مقامات ور ہلکی بارش تے برف باری غی توقع ہے۔
